



Christian H. Bammer  
Governor 2022/23

ROTARY International Distrikt 1910  
Österreich (Ost und Süd) & Bosnien-Herzegowina

#### 4.pismo guvernera pod motom: „Imagine Rotary“

Decembar 2022

Drage rotarijanke i rotarijanci, rotarakterice i rotarakteri, interakterice i interakteri Distrikta 1910!

Božićni praznici su neposredno pred nama i prva polovica rotarijanske godine 2022/23 se primiče kraju. Jako sam radostan i sretan što mi je bilo moguće da sve 103 posjete klubovima obavim lično odn. jedan i digitalnim putem, kao što je bilo planirano. Tako mi preostaje još 41 klupska posjeta za period do mjeseca maja. Mnogi postojeći klupski projekti su uspješno u toku, u skladu sa uputama RI u našim klubovima se formiraju novi timovi za 2023/24 i Presidents Nominee 2024/25 se biraju i prijavljuju.

Kako bismo i u narednoj godini i dalje poticali pozitivne aspekte, pripreme Presidents Elect u PETS kurikulumu i projektnih ideja klubova su već započele na najbolji mogući način. Stoga je i dobar trenutak da se još jednom podsjetimo na misiju Rotarija: „Pomažemo drugim ljudima, promoviramo integritet i zalažemo se za razumijevanje, dobru volju i mir širom svijeta – kroz našu zajednicu poduzetnika, lidera iz svih branši i iz komunalnog sektora“: Time što pomažemo drugima, kroz naš klupski život i posebno klupsko prijateljstvo i za sebe na emocionalnom planu dobijamo nazad puno toga pozitivnog. Mnogobrojni sjajni i raznovrsni socijalni projekti sa kojima sam imao zadovoljstvo da se upoznam prilikom mojih posjeta klubovima, koji se organiziraju za potrebite i ugrožene, osobe s invaliditetom i marginalizirane, a naročito za mlade i djecu, su pored našeg klupskog života motor koji nas lično pokreće i vodi naprijed i koji drži na okupu naše klubove i našu zajednicu. U tom kontekstu mogu još jednom shodno našem rotarijanskom zadatku podsjetiti na Bosnu i Hercegovinu, koja je upravo dobila kandidatski status za prijem u Evropsku uniju. Jako važan znak i signal, i lično me jako raduje!

Svaka i svaki od nas u Distriktu je već često dokazao da kroz dobročinstvo i ljubav prema bližnjima, suosjećanje i empatiju, predanost i angažman, vizije i dobre ideje, vrijeme i donacije, ali prije svega kroz ljudskost i toleranciju možemo učiniti svijet malkice boljim mjestom, i za to svi zaslužujete moje veliko priznanje i moju posebnu zahvalnost. Lijepa prilika da se zajedno podsjetimo na ove uspjehe bit će i na Konferenciji distrikta u Stadtschlainingu u dvorcu Schlaining 23.-24. juna 2023. Dokumentacija i prilika za prijave će biti stavljeni na raspolaganje krajem januara! Jako se radujem prilici da što više vas pozdravim na ovoj konferenciji.

Svima vam želim spokojne i ispunjene blagdane sa vašim porodicama i vašim najdražima. Svima nama želim sjajnu i ispunjujuću 2023. godinu u kojoj ćemo moći nastaviti radost u našem radu i djelovanju i prije svega radost u našim rotarijanskim akcijama. Ovdje unutar našeg distrikta možemo zajedno pomoći da svijet učinimo barem malo boljim! *Imagine Rotary!*

Uz srdačne rotarijanske pozdrave

Christian